

遼寧舊方志

奉天通志

第六函

遼寧舊方志

奉天通志

第六函

目錄

卷一百二十二 職官志 二九四一

職官一 二九四一

秦漢 二九四二

後漢魏 二九四三

晉 二九四四

前燕 二九四六

後燕北燕 二九四七

後魏 二九四八

北齊隋 二九四九

唐 二九五〇

遼 二九五二

金 二九五五

卷一百二十三 職官二元明 二九六〇

元 二九六〇

明 二九六三

卷一百二十四 職官三清 二九八一

民國 二九九二

卷一百二十五 職官四表 二九九八

表一 漢 後漢 魏 晉 前燕
前秦 後燕 北燕 後魏 東魏

北齊 隋唐 二九九八

漢 二九九八

後漢 二九九九

魏 三〇〇二

晉 三〇〇三

前燕 前秦 三〇〇八

後燕 三〇〇九

北燕 後魏 三〇一一

東魏 北齊 三〇一三

隋 三〇一四

唐 三〇一五

卷一百二十六 職官五表 三〇二五

表二 遼金 三〇二五

遼 三〇二五

金 三〇四三

卷一百二十七 職官六表 三〇五七

表三 元 三〇五七

太祖 三〇五七

太宗 定宗 三〇五八

憲宗 世祖 三〇五九

成宗 三〇六三

武宗 三〇六四

仁宗 英宗 泰定 三〇六五

文宗 三〇六六

順帝 三〇六七

卷一百二十八 職官七 表 三〇七二

表四 明一 文職上 三〇七二

太祖 三〇七二

成祖 宣宗 三〇七三

英宗 三〇七四

景帝 三〇七五

英宗後朝 憲宗 三〇七六

孝宗 三〇七九

武宗 三〇八〇

世宗 三〇八三

穆宗 三〇九二

卷一百二十九 職官八 表 三〇九四

表五 明二 文職下 三〇九四

神宗 三〇九四

熹宗 三一〇八

莊烈帝 三一一一

卷一百三十 職官九 表 三一一五

表六 明三 武職一 三一一五

太祖 三一一五

惠文帝 成祖 三一一七

仁宗 宣宗 三一二〇

英宗 三一二二

景帝 三一二四

英宗後朝 三一二五

憲宗 三一二六

孝宗 三一二九

武宗 三一二二

卷一百三十一 職官十 表 三一二六

表七 明四 武職二 三一二六

世宗 三一二六

穆宗 三一二三

卷一百三十二 職官十一 表 三一二七

表八 明五 武職三 三一二七

神宗	三二四七
熹宗	三二六一
莊烈帝	三二六八
卷一百三十三 職官十二表	三二七五
表九 清一 文職一	三二七五
世祖 聖祖	三二七五
世宗	三二八四
高宗	三二八八
卷一百三十四 職官十三表	三二九九
表十 清二 文職二	三二九九
仁宗	三二九九
宣宗	三三〇七
卷一百三十五 職官十四表	三三二〇
表十一 清三 文職三	三三二〇
文宗	三三二〇
穆宗	三三二三
德宗	三三二七
宣統	三三三四
卷一百三十六 職官十五表	三三五一
表十二 清四 文職四	三三五一

州縣	三二五一
遼陽州知州	三二五一
復州知州	三二五四
寧遠州知州	三二五六
義州知州	三二五八
岫巖州知州	三二六〇
遼源州知州	三二六一
承德縣知縣	三二六二
遼陽縣知縣	三二六四
海城縣知縣	三二六五
蓋平縣知縣	三二六七
開原縣知縣	三二七〇
鐵嶺縣知縣	三二七三
錦縣知縣	三二七五
廣寧縣知縣	三二七八
寧海縣知縣	三二八〇
安東縣知縣	三二八一
懷德縣知縣	三二八二
寬甸縣知縣	三二八三
通化縣知縣	三二八四

奉化縣知縣	三二八五
懷仁縣知縣	三二八六
康平縣知縣	三二八七
西豐縣知縣	三二八八
興仁縣知縣	三二八九
鎮安縣知縣	三二九〇
柳河縣知縣	三二九一
東平縣知縣	三二九二
臨江縣知縣	三二九三
開通縣知縣	三二九四
安廣縣知縣	三二九五
本溪縣知縣	三二九六
醴泉縣知縣	三二九七
安圖縣知縣	三二九八
職官十六 表	三二九九
表十三 清五 武職	三二九九
世祖	三二九九
聖祖	三三〇〇
世宗	三三〇三
高宗	三三〇五

仁宗	三三一
宣宗	三三一四
文宗	三三一八
穆宗	三三二一
德宗	三三二四
宣統	三三三〇
職官十七 宦績	三三三二
宦績一 漢至遼	三三三二
漢	三三三三
魏	三三三六
晉 前後燕	三三三七
前秦 北魏	三三三八
後周 隋	三三三九
唐	三三四〇
遼	三三四三
職官十八 宦績	三三四六
宦績二 金 元	三三四六
金	三三四六
元	三三五五
職官十九 宦績	三三六二
卷一百三十七	
卷一百三十八	
卷一百三十九	
卷一百四十	

宣績三 明	三三六二
職官二十 宣績	三三八八
宣績四 清	三三八八
卷一百四十二 民治志	三四二〇
民治一 議會自治	三四二〇
議會	三四二〇
自治	三四二五
卷一百四十三 民治二 警察	三四二九
卷一百四十四 民治三 保甲 衛生 災振 市政	
報館	三四四八
保甲	三四四八
衛生	三四五〇
災振	三四五四
市政	三四六五
報館	三四七〇
卷一百四十五 財政志	三四七三
財政一 租賦	三四七三
漢	三四七三
後漢 魏 晉	三四七四
前燕 後魏	三四七五

隋唐遼	三四七六
金	三四七七
元	三四七八
明	三四七九
清	三四八二
民國	三四九四
卷一百四十六 財政二 稅捐	三五〇九
元 明	三五〇九
清	三五一〇
民國	三五二一

奉天通志卷一百二十二

職官志

遼疆官名其可徵者始於秦漢初爲守尉武帝而後始置刺史凡二千石皆受督察都尉分部亦子郡也漢末改牧州任漸重建武復舊熹平又易然溯其常仍曰刺史郡守權寄顯制千里公孫割據由茲而萌秦始新治肆建平州令之遼疆始爲方岳遼東玄菟昌黎三守皆今遼境遼西一守則隸幽部易守爲相均從所封縣道之殊志均不列都督諸軍幽刺領之東夷校尉平刺兼之皆爲軍府慕容旣大置守漸多燕書所載多見通鑑內史之名或後所置前燕建號仍爲平刺守令之屬以徵史策每有所闕後燕之末復都龍城司隸昌尹又有新制平青幽并皆萃一隅州刺郡守且奉天通志

卷一百二十二 職官志

一

難徵備況於令長北燕同之後魏得遼和龍鎮將實總疆寄移平置營州帥之選擇頗重遼東遼西昌黎玄菟每封王公內史及相多以時易但多除廢鮮久胙土地形一志苦其累封不可備舉概名郡縣未別諸國遂無可徵遼東諸郡襄平諸縣孰爲上下亦無由別北齊郡邑又減於魏幽州行臺復統營州殆如晉制隋之營州其在開皇已不統郡大業改名良得其實唐爲營督慎瑞諸州多爲蕃落松饒二府亦分遼境斯爲胡州無與文治上元安東移府於此萬榮旣叛又多徙棄開元恢復更建節鎮平盧節度奚丹渤海皆歸經畧直控大東安史之亂平盧南徙營州軍府又隸盧龍奚丹押使亦由之改軍使守捉武號森然民治畧矣耶律開基遂疆遼域郡邑之置分諸三京留守之重爰兼府尹節度觀察

刺史防禦星羅棋布逮於各縣名別職掌史志纂詳中臺之省列於遼陽達官諸任多選渤海幾爲大氏別啓一國女眞諸部分府不一赤縣要荒同爐而治詳穩兵馬諸司亦多領財賦者更有專吏諸官所部營衛均列置吏之煩遼代爲最金之分路理軍民者則曰安撫總刑讞者則曰按察行政司法漸已區分節鎮察防刺史縣令類別頗詳任路寄者必尹首郡遼金所同仍唐制也元爲行省路府州縣領屬之制疊重爲苦省曰政府丞相平章兩丞參政合組而成漢後外臺屬一人者其制大異自路至縣達魯花赤尹正同知角立而三古所未有萬戶有府其管兵者皆設專官肅政廉訪稟承中臺總持憲綱司法獨立自斯而始冶匠之屬分吏亦詳但輕民吏而多軍職千戶百戶之分土者志不列名遂難徵

奉天通志 卷一百二十二 職官志

二

核明代遼治純任軍府都司衛所皆有實地名民牧者二州而已守巡兩道繫銜山東表所統也宣德置撫兵備迭增後又建督然皆治兵而非民吏遼亡之由或當在此清初軍民分治最顯尉防之屬將軍統之守牧之屬府尹統之疏節闕目吏少兵多東邊流移竟成盜藪始增民吏爰假督權乃議改省蒙旗償復增墾闢白山劃域欲杜侵軼守令之廣兩倍其初舊京五部不適於用盡廢汰者亦其理也盛京舊志前代職官言之頗畧今之蒐輯明清爲詳見諸史者亦不敢漏後之作庶其諒諸近代長軍長民曰政曰法巍然釐然咸載令甲軌途其登昌矣懋矣湖北續志以宣績傳附入職官其法最善茲取則焉官制而外佐之以表宣績曰錄亦通例也述職官志第十一凡得二十二卷

職官一

秦

遼東守 遼西守

始皇帝二十六年分天下以爲三十六郡郡置守尉監史記集解始

史記集解三十六郡者遼東遼西案漢書百官表秦郡守掌治其

郡有丞郡尉掌佐守典武職甲卒監御史掌監郡

縣令長掌治其縣萬戶以上爲令減萬戶爲長公漢書百官

漢

幽州刺史牧 遼東諸太守都尉 襄平諸令長

郡守秦官掌治其郡秩二千石有丞邊郡又有長史掌兵馬秩皆

六百石景帝中二年更名太守公漢書百官

奉天通志 卷一百二十二 職官一 秦 漢 三

郡尉秦官掌佐守典武職甲卒秩比二千石有丞秩皆六百石景

帝中二年更名都尉

關都尉秦官

農都尉屬國都尉皆武帝置

遼西郡交黎東部都尉治志地理

遼東郡無慮西部都尉治 候城中部都尉治 武次東部都尉

治志地理

縣令長皆秦官掌治其縣萬戶以上爲令秩千石至六百石減萬

戶爲長秩五百石至三百石皆有丞尉秩四百石至二百石是爲

長吏百石以下有斗食佐史之秩是爲少吏大率十里一亭亭有

長十亭一鄉鄉有三老有秩嗇夫游徼三老掌教化嗇夫職聽訟

收賦稅游徼徹徹循禁賊盜縣大率方百里其民稠則減稀則曠鄉
亭亦如之皆秦制也列侯所食縣曰國皇太后皇后公主所食曰
邑有蠻夷曰道

徹侯避武帝諱曰通侯或曰列侯致所食國令長名相又有家丞
門大夫庶子

凡吏秩比二千石以上皆銀印青綬秩比六百石以上皆銅印黑
綬比二百石以上皆銅印黃綬

海陽侯國郡遼西海陽齊信侯搖毋餘以越隊將從破秦入漢定三
秦以都尉擊項籍侯高帝六年三月庚子封後漢書功臣表肥如

敬侯蔡寅非奉天境從省

襄平侯國郡遼東襄平侯紀通父城以將軍從擊破秦入漢定三秦

奉天通志 卷一百二十二 職官一 漢 四

功比平定侯戰好時死事子侯高帝六年九月丙午封

每州刺史一人後漢書百官成帝綏和二年更名牧哀帝建平二年復

爲刺史元壽二年復爲牧公漢書百官

諸州常以八月巡行所部郡國百後漢書

幽州部十一上同

每郡置太守一人丞二人上同

郡當邊戍者丞爲長史王國之相亦如之上同

每屬國置都尉一人丞一人上同

省關都尉唯邊郡往往置都尉及屬國都尉稍有分縣治民比郡

每縣邑道大者置令一人其次置長丞各一人縣尉大二人小縣

一人上同

鄉置三老有秩嗇夫游徼上同

亭有亭長以禁盜賊上同

遼縣有障塞尉上同

其郡有鹽官鐵官工官都水官者隨事廣狹置令長及丞秩次皆如縣道無分士給均本吏上同

遼西郡五城郡後漢志書

遼東郡年案郡本復紀和帝永都元都尉十官六十一城上同

元菟郡六城上同

遼東屬國故國郡都尉別都尉六城安帝同時上以爲

襄平有牧師官志地理

按漢制州刺史六百石牧二千名後漢建武十八年復罷州牧

奉天通志 卷一百二十一 職官一 漢 五

置刺史中平五年又置牧然自漢末迄於曹魏惟劉虞爲牧此外皆爲刺史漢初遼東遼西郡皆燕國封域漢書諸侯王表序自太原雁門以東至遼陽爲燕代國是也凡爲燕相者皆遼東長官前漢書周勃傳燕王盧綰反勃以相國將得綰丞相偃樂布孝文時爲燕相皆是既置幽州刺史以後則刺史又爲遼境長官王吉子駿傳爲幽州刺史功臣表土軍式侯宣義平州共侯昭涉掉尾皆爲燕相

按漢州郡官之在今遼疆者爲幽州刺史遼東遼西玄菟太守遼東中部東部西部都尉屬國都尉遼西東部都尉令長以下地理志未別孰爲令孰爲長功臣表紀通封襄平侯搖毋餘封海陽侯而志不言侯國者以國除也遼東太守漢書有名者爲

甘延壽遼東東部都尉有涉何見朝鮮傳又遼東太守蘇季見藝文志

後漢

後漢亦爲幽州刺史遼東遼西太守又置遼東屬國都尉領六城如郡而建武之初中平之後嘗置幽州牧朱浮劉虞爲之其季以遼東太守授公孫度遂成割據清王氏先謙後漢書集解於郡國志幽州及遼東玄菟遼西郡下皆採輯本書及見他書者幽州刺史遼東玄菟遼西太守姓名頗爲賅備郡國志於縣亦不別令長其有蠻夷者水經注引十三州志有昌遼道襄平有令見三國志公孫度傳守襄平令公孫昭

魏

奉天通志 卷一百二十一 職官一 後漢 魏 六

幽州刺史 遼東諸太守

魏晉爲刺史任重者爲使持節都督輕者爲持節自魏以來庶姓爲州而無將軍者謂之單車刺史凡單車刺史加督進一品都督進二品不論持節假節典通

自魏晉以後刺史多帶將軍開府則州與府各置僚屬州官理民府官理戎典通

三國時有郡守國相典通

縣令長

甘露二年四月癸卯詔曰玄菟郡高顯縣吏民反叛長鄭熙爲賊所殺魏三國志此高顯縣置長之證

州郡中正魏司空陳羣以天臺選用不盡人才擇州之才優有昭

鑒者除爲中正自拔人才銓定九品州郡皆置

典通

按曹魏州郡官之在遼疆者爲幽州刺史遼西遼東玄菟昌黎四郡太守襄平諸縣惟高顯縣爲長襄平當循漢舊置令餘縣闕昌黎置縣見魏志正始五年九月晉書地理志注昌黎郡魏置又公孫度傳初平元年分遼東郡爲遼西中遼郡自立爲遼東侯平州牧建安十二年封公孫康襄平侯公孫恭文帝踐阼封平郭侯是襄平平郭二縣皆當爲侯相特遼西中遼二郡史皆無爲郡守之人則康恭是否受襄平平郭之封亦不可知今附誌於此又魏志蔣濟傳注引司馬彪戰畧太和六年明帝遣平州刺史田豫乘海渡幽州刺史王雄陸道并攻遼東田豫傳爲汝南太守加殄夷將軍太和末公孫淵以遼東叛乃使豫以奉天通志

卷一百二十二

職官一 魏晉

七

本官督青州諸軍往討之豫以太守督青州青州刺史程喜內懷不服云云是田豫時爲汝南太守非平州刺史晉書地理志魏分遼東昌黎玄菟帶方樂浪五郡爲平州後還復爲幽州當在平公孫淵之後田豫不得爲平州刺史今附誌於此

晉

幽州牧 平州牧 幽州刺史 平州刺史

州置刺史別駕治中從事諸曹從事等員所領中郡以上郡各置部從事一人小郡亦置一人又有主簿門亭長錄事記室書佐諸曹佐守從事武猛從事等凡吏四十一人卒二十人諸州或有山險濱近寇賊羌夷者又置弓馬從事五十餘人

官督書職

遼東諸太守內史相

郡皆置太守諸王國以內史掌太守之任又置主簿主記室門下賊曹議生門下史記室史錄事史書佐循行幹小史五官掾功曹史功曹書佐循行小史五官掾等員郡國戶不滿五千者置職吏五十人散吏十三人五千戶以上則職吏六十三人散吏二十一人萬戶以上職吏六十九人散吏三十九人郡國皆置文學掾一人

人上同

襄平諸令長

縣大者置令小者置長有主簿錄事史主記室史門下書佐幹游徵議生循行功曹史小史廷掾功曹史小史書佐幹戶曹掾史幹法曹門幹金倉賊曹掾史兵曹史吏曹史獄小史獄門亭長都亭長賊捕掾等員戶不滿三百以下職吏十八人散吏四人三百以

奉天通志

卷一百二十二

職官一 晉

八

上職吏二十八人散吏六人五百以上職吏四十人散吏八人千以上職吏五十三人散吏十二人千五百以上職吏六十八人散吏十八人三千以上職吏八十八人散吏二十六人

上同

郡國及縣農月皆隨所領戶多少爲差散吏爲勸農又縣五百以上皆置鄉三千以上置二鄉五千以上置三鄉萬以上置四鄉鄉置嗇夫一人鄉戶不滿千以下置治書史一人千以上置史佐各一人正一人五千五百以上置吏一人佐二人縣率百戶置里吏一人其土廣人稀聽隨宜置里吏限不得減五十戶戶千以上置校官掾一人

人上同

縣皆置方略吏四人

上同

晉受禪都督諸軍爲上監諸軍次之督諸軍爲下使持節爲上持

節次之假節爲下使持節得殺二千石以上持節殺無官位人若軍事得與使持節同假節惟軍事得殺犯令者志職官

四征鎮安平加大將軍不開府持節都督者品秩第二置參佐吏卒幕府兵騎如常都督制

諸公及開府位從公爲持節都督增參軍爲六人長史司馬從事中郎主簿記室督祭酒掾屬舍人如常加兵公制

諸公及開府位從公者置長史一人西東閣祭酒西東曹掾戶倉賊曹令史屬各一人御屬閣下令史西東曹倉戶賊曹令史門令

史記室省事令史閣下記室書令史西東曹學事各一人諸公及開府位從公加兵者增置司馬一人秩千石從事中郎二人秩比

千石主簿記室督各一人舍人四人兵鎧士曹營軍刺姦帳下都奉天通志 卷一百二十二 職官一晉 九

督外都督令史各一人志職官

按晉平州刺史秩位雖卑而慕容廆始以安北將軍監平州諸軍事平州刺史尋加使持節都督幽州東夷諸軍事車騎將軍

平州牧則必按諸公持節都督之制置參佐吏卒號僞之代益以擴充故有左右長史左右司馬軍諮祭酒諸職今據志詳錄

之晉與後漢同亦置州牧故慕容廆號僞皆爲州牧見本紀及載記而志不列宋書百官志牧二千石刺史六百石

襄平東夷校尉所居

晉書地理志

四夷校尉皆有長史司馬參軍宋書百官志

又按晉州刺史加都督監軍者於州外別置府官屬州則置別駕治中諸職以本州人爲之府則置長史司馬參軍諸職皆得

自辟署不限本州之人質而言之府則治軍州則治民是蓋軍民分治之始

通典晉郡守皆加將軍無者爲恥

王置師友文學各一人景帝諱故改師爲傳友者因文王四友之名號改太守爲內史省相及僕有郎中令中尉大農爲三卿大國置左右常侍各一人省郎中置侍郎二人典書典祠典衛學官令

典書丞各一人治書四人中尉司馬世子庶子陵廟牧長各一人謁者四人中大夫六人舍人十人典府各一人中朝制典書令在

常侍下侍郎上及渡江則侍郎次常侍而典書令居下公國無中尉常侍侯國又無大農侍郎伯子男唯典書以下又無學官令史

職皆以次捐焉志職官

奉天通志 卷一百二十二 職官一晉 十

按晉王國曰內史公侯伯子男國皆曰相地理志濮陽國廩丘鄆城下皆注公國相燕國安樂下注國相蜀主劉禪封此縣公

載記慕容廆封遼東郡公有遼東相韓矯裴疑是也通鑑胡注於慕容號遣兼郎中令遼東陽景送徐孟等還建康之下言晉

制王國乃有郎中令號未爲王而僭置是官此誤公國例有郎中令賈充傳封魯郡公充薨槐郭輒以外孫韓謐爲充後郎中

令韓咸等上書求改立嗣又載記陽裕傳鮮卑單于段眷爲晉驃騎大將軍遼西公虛心延裕裕拜郎中令此皆公國有郎中

令之證按志渡江公國無中尉是有郎中令又志咸寧三年爲郡公制度如小國王郡侯如不滿五千戶王是西晉郡公郡侯

皆備三卿

又按晉州郡國官之在遼疆者爲都督平州諸軍事都督東夷諸軍事平州刺史平州牧護東夷校尉遼東遼西玄菟昌黎西郡太守亦曰遼東相本書衛瓘傳除征北大將軍都督幽州諸軍事至鎮表立平州後兼督之王浚傳惠帝旋洛陽轉浚驍大將軍都督東夷河北諸軍事皆是平州刺史始見者本紀咸寧二年十二月以平州刺史傳詢清白有聞賜帛二百匹其後鮮于嬰等相繼爲之至本紀太興四年十二月慕容廆爲都督幽平二州東夷諸軍事平州牧後則平州擅於慕容其先已分置冀陽成周營丘唐國諸郡又置樂浪帶方諸僑郡護東夷校尉本爲平州刺史兼官至廆則別置咸和八年廆卒子皝繼爲平州刺史永和五年皝卒復授子僞幽冀并平四州牧僞旋稱奉天通志 卷一百二十一 職官一 晉 十一

帝是晉之平州長官終於慕容僞護東夷校尉省文則曰東夷校尉遼東郡晉咸寧初封齊王攸子蕤有遼東王後改爲遼東國太康四年四月徙封東萊王後國復爲郡太興四年封慕容廆爲遼東公後復爲國晉書所載之遼東相裴疑等皆慕容氏遼東郡公之相但晉制郡封王則太守爲內史封公則爲相通鑑据燕書有成周內史崔熹營丘內史鮮于屈唐國內史陽裕蓋孰稱燕王後或以唐國等郡自廣燕之封域故稱內史今燕書不傳無以證之襄平新昌諸令之見晉書通鑑者頗多而不見有長又建興末嘗封慕容廆昌黎遼東二國公廆未受故昌黎仍爲太守不爲相今附誌其概又按通鑑晉紀咸康三年九月鎮軍左長史封弈等勸慕容皝

稱燕王孰從之於是備置羣司以封弈爲國相裴開爲奉常陽鶩爲司隸王寓爲太僕李洪爲大理杜羣爲納言令宋該劉睦石琮爲常伯按此官制不見於史通鑑建安十八年魏初置六卿以荀攸爲尙書令毛玠崔琰常林爲尙書鍾繇爲大理王修爲大農袁渙爲郎中令晉書武帝紀咸熙二年五月卽晉王位以何曾爲丞相王沈爲御史大夫則皆視孰之規模爲大此不曰尙書令而曰納言令者仍視魏晉爲謙抑及咸康四年石虎伐燕孰罷六卿納言常伯等官咸康七年二月晉封孰爲燕王備物典策皆從殊禮然六卿諸官迄不復自是一時之制今增於此

又東夷校尉卽護東夷校尉爲平州刺史兼官鮮于嬰何龜李奉天通志 卷一百二十一 職官一 晉 前燕 十二

臻封釋皆領之慕容廆領平州後始別置東夷校尉

前燕

平州刺史

遼東諸郡太守

襄平諸縣令

通鑑升平二年吳王垂爲平州刺史鎮遼東又永和八年燕以玄菟太守乙逸爲尙書太和五年燕宜都王桓奔遼東遼東太守韓稠先已降秦

按今本十六國春秋係明人輯本不如通鑑引燕書爲可據如平州刺史諸條前燕錄亦見今但云通鑑前燕慕容僞嘗建留臺於龍城以乙逸專委留務見通鑑其後慕容垂慕容亮均鎮

龍城以其時官制例之富有都督幽平二州之銜而史不見留臺亦後之行臺所由昉今增於此

後燕

都督幽平二州諸軍事

通鑑晉紀太元十年燕主垂以農農容為使持節都督幽平二州

諸軍事幽州牧鎮龍城徙平州刺史帶方王佐鎮平郭十四年正

月召農為侍中司隸校尉以高陽王隆都督幽平二州諸軍事征

北大將軍幽州牧建留臺於龍城以隆錄留臺尚書事

平州牧

通鑑晉紀太元二十一年燕征北大將軍幽平二州牧清河公會

雄俊有器藝燕主垂伐魏委以東北之任

奉天通志卷一百二十二 職官一 前燕 後燕 十三

司隸校尉

通鑑晉紀隆安二年燕以河間公熙為侍中司隸校尉元興元年

十一月辛未燕石城令高和作亂殺司隸校尉張顯

昌黎尹

通鑑晉紀隆安二年十二月己亥燕昌黎尹張順坐謀反誅三年

正月戊辰燕昌黎尹留忠謀反誅

平州刺史見前

青并營州刺史

通鑑晉紀元興二年十二月燕以衛尉悅真為青州刺史鎮新城

衛駒為并州刺史鎮凡城

晉書載記慕容熙大城肥如及宿軍以仇尼倪為鎮東大將軍營

州刺史鎮宿軍

按肥如非遼省境從省宿軍當從通鑑胡氏注在龍城東北

遼東諸郡太守

通鑑晉紀太元十年十一月慕容農至龍城進擊高句麗復遼東

玄菟二郡先是幽冀流民多入高句麗農以驃騎司馬范陽龐淵

為遼東太守招撫之又十六國春秋慕容熙光始三年正月司隸

部民劉瓚對問稱旨拜帶方太守北史盧晏仕垂營邱成周二郡

太守又有唐郡內史宇文活撥游蟬仕慕容熙樂浪太守

襄平諸令

通鑑隆安四年三月辛卯燕襄平令段登謀反伏誅

北燕

奉天通志卷一百二十二 職官一 後燕 北燕 十四

司隸校尉

晉書載記馮跋僭稱天王于昌黎姚昭為司隸校尉

幽平二州牧

晉書載記馮跋署從兄萬泥為驃騎大將軍幽平二州牧

昌黎尹

晉書載記昌黎尹孫伯仁等俱有材力

遼東諸郡太守

晉書載記馮跋署務提銀為上大將軍遼東太守

十六國春秋寶堪仕馮弘為成周太守

按今高閭燕書不傳前燕後燕官制見晉書通鑑屬於州域者

仍晉志之都督刺史太守內史相縣令諸官前燕則為平州刺

史遼東諸太守後燕自慕容盛後復都龍城其制稍異盛以河間公熙爲司隸校尉又有昌黎尹張順留忠洪氏疆域志仍循晉志之舊以昌黎隸平州實則既有司隸校尉則必循漢晉司隸校尉領河南尹之制以司隸校尉領昌黎尹而州刺史都督則有幽平青并冀五州北冀仍襲其舊司隸校尉昌黎尹一如之此外都督刺史郡太守縣令職權均循前後燕之舊其實仍循晉舊諸公尙書令僕九卿等官則僭王者之制非省志所得書又慕容氏有城大等官胡氏通鑑注釋城大爲城主蓋戎夷之制前秦有遼地甚暫初廢平州後旋復之郡太守則遼東西玄菟昌黎皆有見通鑑諸書

後魏

奉天通志

卷一百二十二

職官一 北燕 後魏

十五

魏書官氏志天賜二年諸州置三刺史郡置三太守縣置三令長又從一品上都督三州諸軍事第二品下都督一州諸軍事從第三品下護戎夷蠻越校尉太和二十三年高祖復次職令第三品上州刺史從第三品中州刺史第四品下州刺史上郡太守內史相第五品中郡太守內史相第六品上郡太守內史相上縣令相第七品中縣令相第八品下縣令相

平州刺史

營州刺史

遼東諸郡太守

襄平諸縣令長

按魏書南平王渾傳拜假節領護東夷校尉鎮東大將軍平州刺史名鎮和龍安豐王猛傳爲和龍鎮都大將軍營州刺史樂陵王思譽傳爲鎮東大將軍營州刺史領護東夷校尉官氏志只載司州別駕從事史治中從事史主簿西曹書佐議曹從事史文

學諸州自可例推都督長史司馬則視本官將軍之品二大三公長史從第三品二大三公司馬從第一品將軍開府長史司馬第四品第二品將軍始藩王長史司馬從第四品從第二品將軍長史司馬第五品第三品將軍長史司馬從五品從第三品將軍長史司馬第六品南平王渾之鎮東大將軍爲第二品則長史司馬爲從第四品張偉以平東將軍爲營州刺史則第三品長史司馬則從五品慕容契以征虜將軍爲營州崔敬邕以龍驤將軍爲營州則皆從第三品則長史司馬爲第六品諸議參軍事錄事參軍功曹記室戶曹中兵參軍事功曹史主簿列曹參軍事行參軍事皆各依其府將軍之品而降從一品將軍開府諮議參軍從第四品錄事參軍功曹記室戶曹倉曹中兵參軍事功曹史第六品主簿列曹參軍事從第六品列曹行參軍第二品將軍以下則遞降至五品正從將軍錄事功曹戶曹倉曹中兵參軍事第八品五品將軍無諮議參軍又官氏志王公國郎中令第七品侯伯國郎中令王公國中尉第八品侯伯國大農王公國常侍從第八品子男國郎中令侯伯國中尉第九品王公國中大夫子男國大農從第九品按寶漏頭封遼東王馮熙封昌黎王則郎中令爲第七品中尉爲第八品餘可類推

護東夷校尉

按護東夷校尉見南平王渾諸傳治和龍眞君五年置營州於和龍故營州刺史皆領之至唐始廢見通典邊防

和龍鎮都大將

見魏書安豐王猛傳

北齊

營州刺史

上州刺史第三品中州刺史四護夷校尉上郡太守從第三品下
州刺史第四品中郡太守從第四品下郡太守從第五品上縣令
第六品中縣令第七品下縣令第八品

隋書百

上上州刺史置府屬官有長史司馬錄事功曹倉曹中兵等參軍
事及掾史主簿及掾記室掾史外兵騎兵長流城局刑獄等參軍
事掾史參軍事法墨田鑠集士等曹行參軍及掾史右戶掾史行
參軍長兼行參軍

奉天通志

卷一百二十二

職官一 後魏 北齊

十七

州屬官有別駕從事史治中從事史州都光迎主簿主簿西曹書
佐市令及史祭酒從事史部郡從事卑服從事典籤及史門下督
省事都錄事及史箱錄事及史朝直刺姦記室掾戶曹田曹金曹
租曹兵曹左戶等掾史等員

郡屬官有丞中正光迎功曹光迎主簿功曹主簿五官省事錄事
及西曹戶曹金曹租曹兵曹集曹等掾佐太學博士助教太學生
市長倉督等員

縣屬官有丞中正光迎功曹光迎主簿功曹主簿錄事及西曹戶
曹金曹租曹兵曹等掾市長等員

按隋書地理志後齊營州留建德冀陽二郡永樂帶方龍城大
興等北齊爲營州刺史者有王峻高保寧北齊書高保寧傳武

平末爲營州刺史鎮黃龍夷夏重其威信鄴都不守周帝招慰
不受竟不臣周北史隋文帝紀開皇三年四月行軍總管大破
高寶寧于黃龍故北周一代不得營州

按後齊州郡官之在遼疆者有幽州行臺都督南北營州諸軍
事在營州刺史之上見斛律羨獨孤永業高寶寧諸傳蓋自東
魏置州日多邊域要地以諸州勢分力散又須置行臺以厚其
勢力專其權寄此亦考州城官制者所宜知也

隋

營州總管 柳城諸郡太守

州置刺史長史司馬錄事參軍事功曹戶兵等曹參軍事法士曹
等行參軍典籤主簿西曹書佐祭酒從事部郡從事倉督市令丞
奉天通志

卷一百二十二

職官一 北齊 隋

十八

等員

隋書百官

郡置太守丞尉正光初功曹光初主簿西曹金戶兵法士等曹市
令等員縣置令丞尉正功曹主簿西曹金戶兵法士等曹佐及市
令等員州置總管列爲上中下三等總管加使持節煬帝卽位罷
總管及州置郡郡置太守上郡從三品中郡正四品下郡從四品
罷長史司馬置贊務一人以貳之次置東西曹掾主簿司功倉戶
兵法等書佐行參軍爲行書佐其後諸郡各加置通守一人位次
太守又改郡贊務爲丞位在通守下

縣令均以所管閑劇及衝要爲等級丞主簿如故改縣尉爲縣正
尋改正爲戶曹法曹

舊有兵處則刺史帶諸軍事以統之至是別置都尉副都尉都尉

正四品領兵與郡不相知副都尉正五品
鎮置將副戎置主副關置令丞其制官屬各立三等之差

按隋書百官志列州郡縣官者皆隋開皇二年以前之制三年十一月廢諸郡則已有州無郡是年隋始得營州地理志言營州開皇元年留建德一郡者當在三年十一月以前是後營州爲總管府韋藝韋冲相繼爲之大業三年改州爲郡則又有郡無州於是營州爲柳城郡大業之末置遼東郡於武厲羅置遼西郡領遼西瀘河懷遠三縣是隋於今遼省地有三郡而瀘河懷遠舊皆爲鎮又得高麗之通定鎮是隋始爲州郡縣三級制繼變爲州縣二級制旋變爲郡縣制又有專置鎮而無郡縣者年代雖促而更易殊多今備列於此其後唐復易郡爲州實則奉天通志 卷一百二十一 職官一 隋唐 十九

所謂州者與郡無異非復漢晉以州統郡之舊矣

又按百官志煬帝置司隸臺刺史十四人巡察畿外諸郡似又復漢初刺史之制但志又言後罷司隸臺則此制似未實行又按隋文帝一代置有并荆揚益四大總管府而并州總管皆親王爲之隋書漢王諒傳開皇十七年出爲并州總管自山以東至于滄海南距黃河五十二州皆隸焉是營州亦在并州總管府隸屬之內秦王俊轉并州總管二十四州諸軍事蓋營州亦隸之今附誌於此

唐

平盧軍節度使後爲盧龍節度使

節度使副大使知節度事行軍司馬副使判官支使掌書記推官

巡官衙推各一人同節度副使十人館驛巡官四人府院法直官要籍逐要親事各一人隨軍四人節度使封郡王則有奏記一人兼觀察使又有判官支使推官巡官衙推各一人又兼安撫使則有副使判官各一人兼支度營田招討經略使則有副使判官各一人支度使復有遺運判官巡官各一人節度使掌總軍旅顯誅殺初授具帑抹兵仗詣兵部辭見觀察使亦如之唐書百觀察使副使支使判官掌書記推官巡官衙推隨軍要籍進奏官各一人同上

團練使副使判官推官巡官衙推各一人同上

防禦使副使判官推官巡官各一人觀察處置使掌察所部善惡與大綱凡奏請皆屬於州同上

奉天通志 卷一百二十一 職官一 唐 二十

營州上都督

大都督府都督一人從二品長史一人從三品司馬二人從四品下錄事參軍事一人正七品上錄事二人從九品上功曹參軍事倉曹參軍事戶曹參軍事田曹參軍事兵曹參軍事法曹參軍事士曹參軍事各一人正七品下參軍事五人正八品下市令一人從九品上文學一人正八品下醫學博士一人從八品上中都督府都督一人正三品別駕一人正四品下長史一人正五品上司馬一人正五品下錄事參軍事一人正七品下錄事二人從九品上功曹參軍事倉曹參軍事戶曹參軍事田曹參軍事兵曹參軍事法曹參軍事士曹參軍事各一人從七品上參軍事四人從八品上市令一人從九品上文學一人從八品上醫學博士一人正